

# Wolfgang, Mata Ng Diyos

sa pag mulat ng aking mata  
ako'y ginising ng ihip ng hangin  
ang sikat ng araw, makulay

sa tabi ng ilog  
parang may tumatawag, pabulong  
ako'y lumapit sa puno'y may natanaw  
dumilim ang araw

bumigat bigla ang aking dibdib  
tibok ng puso'y bumilis  
ako'y hindi mapakali, ako'y naduduwal  
sa pagtitig ng kanyang mata  
ako'y kanyang hinusgahan  
ligaya kong naramdaman  
binawi sa akin  
at hindi ko maalala  
kung saan galing ito  
mga bahid ng dugong dumikit sa aking mga kuko

tumakbo, lumayo sa lugar na 'to  
lalamunan ko'y tuyung-tuyo  
tumakbo, lumayo sa titig mo  
sa mata ng Diyos

biglang umikot ang paningin  
liwanag ng araw biglang dilim  
malambing na ihip ng hangin ngayon ay matalim  
ako'y nawala sa aking sarili  
pati ang lupa'y gumanti  
bato't bundok at puno man  
sumisigaw, sumisigaw...

at ngayon ko nakikita  
ang lahat ng kasalanan, tinaboy sa ulan  
init at kamunduhan

tumakbo, lumayo sa lugar na 'to  
lalamunan ko'y tuyung-tuyo  
tumakbo, lumayo at magtago  
sa mata ng Diyos

mata ng Diyos...

inalok ako ng isang ahas  
pula't matamis na mansanas  
pilit ko man hindi makaiwas  
sa mata ng Diyos